



Patriotska lije br. 32, 71 000 Sarajevo
Bosna i Hercegovina

Broj sudskog registra UFR-2558 03, Općinski sud Sarajevo

ID: 4200258320003

Porezni broj: 01071006; Matični broj: 20079383

Matični registracioni broj: 1-566

PDV broj: 200258320003

ODLUKA
O IZMJENAMA I DOPUNAMA STATUTA
KANTONALNOG JAVNOG KOMUNALNOG PREDUZEĆA
" PARK " D.O.O. SARAJEVO

broj: P-3592-1-1-A od dana 30.11.2016. godine

Sarajevo, februar 2019.godine

Na osnovu člana 6 Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12), člana 234 tačka p) a u vezi s članom 303. stav (1) Zakona o privrednim društvima ("Službene novine Federacije BiH", br. 81/15), člana 17. Odluke o usklađivanju statusa Javnog preduzeća "Park" p.o. Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 30/05, 10/06 - Ispravka, 25/09, 22/11, 3/12 i 1/13) i člana 6. i 22. Poslovnika o radu Skupštine, Skupština KJKP „Park“ d.o.o. Sarajevo, na svojoj osmoj sjednici održanoj dana 26.02.2019 godine, donijela je

ODLUKU

O IZMJENAMA I DOPUNAMA STATUTA KJKP«PARK» D.O.O. SARAJEVO

Član 1.

U Statutu KJKP "Park" d.o.o. Sarajevo broj:P-3592-1-1-A od dana 30.11.2016.godine član 19. mijenja se iglasi:

„Član 19.

Preduzeće odgovara za svoje obaveze cjelokupnom svojom imovinom, osim prirodnih bogatstava i dobara u opštoj upotrebi, koja su Preduzeću data na upravljanje i korištenje.”

Član 2.

U članu 20. iza stava (2) dodaje se stav (3) koji glasi:

“(3) Broj članova, mandat, prava, način imenovanja i način razriješenja Skupštine Preduzeća utvrđuje osnivač svojim aktima.”

Član 3.

Član 28. mijenja se i glasi:

„Član 28.

Skupština Preduzeća se saziva po potrebi, a najmanje jedanput godišnje, kada odlučuje o godišnjem izvještaju Preduzeća, koji uključuje finansijski izvještaj i izvještaje revizora, Nadzornog odbora i Odbora za reviziju, te o rasporedu dobiti ili načinu pokrića gubitka, kao i u toku godine kada Preduzeće ostvari gubitak veći od petine osnovnog kapitala prema posljednjem godišnjem obračunu.”

Član 4.

Član 29. mijenja se i glasi:

„Član 29.

Skupštinu Preduzeća mogu sazvati predsjednik ili članovi Skupštine, Uprava, član Uprave, Nadzorni odbor ili član Nadzornog odbora i Odbor za reviziju, u skladu sa zakonom.”

Član 5.

Član 30. se briše.

Član 6.

Član 33. mijenja se iglasi:

„Član 33.

(1) Skupština odlučuje na sjednicama.

(2) Za održavanje sjednice Skupštine potreban je kvorum od većine ukupnog broja članova.

(3) Skupština odlučuje većinom glasova od ukupnog broja članova.”

(4) Izuzetno Skupština odlučuje dvotrećinskom većinom o:



- a) izmjenama i dopunama Statuta
- b) povećanju i smanjenju osnovnog kapitla
- c) statusnim promjenama
- d) izboru i opozivu predsjednika i članova nadzornog odbora
- e) promjeni oblika i prestanku preduzeća
- f) raspodjeli dobiti i načinu pokrića gubitka

Član 7.

Iza člana 35. dodaje se novi član 35a. koji glasi:

„35a.

- (1) Ukoliko mjesto člana Nadzornog odbora ostane upražnjeno, odnosno nepopunjeno, do popune istog imenuje se vršilac dužnosti člana Nadzornog odbora.
- (2) Vršioca dužnosti člana Nadzornog odbora imenuje Skupština Preduzeća najduže na vremenski period do 3 (tri) mjeseca, počev od dana stupanja na snagu odluke Skupštine o imenovanju vršioca dužnosti člana Nadzornog odbora.
- (3) Vršilac dužnosti člana Nadzornog odbora ima sva prava i obaveze, koje ima član Nadzornog odbora.
- (4) Vršilac dužnosti člana Nadzornog odbora mora ispunjavati sve opće i posebne uslove, koji se u skladu sa zakonom i ovim Statutom traže za imenovanje na poziciju člana Nadzornog odbora.

Član 8.

U članu 38. stav (2) mijenja se i glasi:

„(2) Nadzorni odbor donosi odluke većinom glasova od ukupnog broja članova.”

Član 9.

U članu 41. u alineji 1. riječi „i planove poslovanja”, brišu se.

Alineja 5. mijenja se i glasi: „predlaže Skupštini trogodišnji i godišnji plan poslovanja“.

Alineja 9. mijenja se i glasi: „daje mišljenje o prijedlogu Uprave o raspodjeli dobiti i načinu pokrića gubitka”

Član 10.

U članu 58. iza stava (4) dodaje se stav (5) koji glasi:

„Vršilac dužnosti direktora Preduzeća i vršilac dužnosti izvršnog direktora moraju ispunjavati sve opće i posebne uslove, koji se u skladu sa zakonom i ovim Statutom traže za imenovanje na poziciju direktora, odnosno izvršnog direktora.”

Član 11

Svi interni akti u KJKP „Park” doo Sarajevo čije su odredbe suprotne odredbama ove odluke uskladiti će se u roku od 30 dana od dana donošenja ove odluke.

Član 12

Ova odluka stupa na snagu danom donošenja

Broj:384-2-1

Datum: 26.02.2019 .



PREDSJEDNIK SKUPŠTINE

Edin Behmović dipl.ecc